

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 115. sjednici, održanoj 30.01.2026. godine, donosi

ODLUKU

o usvajanju Programa utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“ - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transfer drugim nivoima vlasti“, subanalitika LAX016, pozicija „Tekući transfer za JU Institut za zdravlje i sigurnost hrane - Razvoj promotivnih i preventivnih aktivnosti zdravstvenog sektora” - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom godišnjem iznosu od 100.000,00 KM (slovima: stotinhiljada konvertibilnih maraka), koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1909/26

Datum, 30.01.2026. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M

utroška sredstava u razdjelu 21 - Ministarstva zdravstva na poziciji „Tekući transfer drugim nivoima vlasti“ - „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“ - Izvor 10 Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transferi drugim nivoima vlasti“, subanalitika LAX016, pozicija „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“ - Izvor 10.

II. SVRHA PROGRAMA

Svrha ovog programa je finansijska podrška Vlade Kantona kroz finansiranje programa koje provodi JU Institut za zdravlje i sigurnost hrane Zenica kroz niz preventivno-promotivnih aktivnosti s ciljem unaprjeđenja općeg zdravstvenog stanja građana na području Zeničko-dobojskog kantona, a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13).

Programi koji će biti sufinansirani sredstvima iz Budžeta Zeničko-dobojskog kantona za 2026. godinu su:

1. Dentalni pasoš-Sistem generacijske prevencije i zaštite oralnog zdravlja u Zeničko-dobojskom kantonu čiji je cilj uspostaviti trajni, održivi i institucionalno podržan sistem praćenja, evidencije i promocije oralnog zdravlja djece kroz uvođenje „Dentalnog pasoša“ kao službenog dokumenta, omogućiti rano otkrivanje i pravovremenu prevenciju oralnih oboljenja, unaprediti navike oralne higijene od najranijeg uzrasta
2. Program podrške ranom rastu i razvoju djece i edukacija roditelja i osoblja u odgojno-obrazovnim ustanovama na području Zeničko-dobojskog kantona- Alarmi u razvoju djeteta, čiji je cilj unaprediti sistem rane identifikacije, podrške i uključivanje djece s teškoćama u razvoju kroz jačanje svijesti roditelja i odgajatelja, edukaciju školskog i predškolskog osoblja.
3. Skrining osteoporoze primjenom ultrazvučne denzitometrije petne kosti, čiji je cilj rano otkrivanje poremećaja koštane gustine kod odraslog stanovništva starijeg od 30 godina kako bi se umanjila incidencija ortopedskih prijeloma.
4. Preventivni program ranog otkrivanja zloćudnih tumora kože na području Zeničko-dobojskog kantona čiji je cilj rano otkrivanje promjena koje mogu ukazivati na rak kože, revizija i usklađivanje procedura za preventivne preglede kože
5. Aktivna škola-Pokretom do zdravlja -Razvoj i implementacija sistemskog modela promocije fizičke aktivnosti i rane prevencije oboljenja kod djece školskog uzrasta čiji je cilj povećati nivo svakodnevne fizičke aktivnosti kod učenika kroz razvoj održivog, školskog modela promocije zdravlja i prevenciju bolesti.

III.VISINA SREDSTAVA

Sredstava utvrđenih ovim programom iznose na godišnjem nivou 100.000,00 KM (slovima: stotinu hiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (Izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transferi drugim nivoima vlasti“, subanalitika LAX016, pozicija „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

VI. KRITERIJ ZA RASPODJELU SREDSTAVA

Kriteriji raspodjele sredstava je Plan utroška sredstava - Razvoj promotivnih i preventivnih aktivnosti zdravstvenog sektora broj: 02-78/26 od 09.01.2026. godine koji je JU Institut za zdravlje i sigurnost hrane Zenica dostavila Ministarstvu zdravstva.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti utvrđeno odlukom o odobravanju sredstava u skladu sa Planom utroška sredstava iz tačke VI. Kriteriji za raspodjelu sredstava uz obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-1909/26

Datum, 30.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.